

07.10.2020

UKA2020/23

**Uunga siunnersuut: Sanaartornermi neqerooruteqartsitsisarneq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx,xx.xxx 2020-meersoq (Aningaasanut killigititassanik iluarsineq, atuuffinnik erseqqissaaneq, siumoortumik neqerooruteqartsitsinani suliariumannittussarsiuussisarnissamik pimasagaatit pillugit aalajangersakkat, siumoortumik nalunaaruteqartarnissamik atuutsitsilerneq kiisalu Neqerooruteqartsitsisarnermut Maalaaruteqartarfik pillugu aalajangersakkanik atorunnaarsitsineq)**  
(Ineqarnermut attaveqatigiinnermullu naalakkersuisoq)

Sanaartornermi neqerooruteqartsitsisarneq pillugu Inatsisartut inatsisaata allanngortinneqarnera pillugu Inatsisartut inatsisaat suli normulerneqanngitsoq 2020-meersoq imaattumik Siumumiik oqaaseqarfigissuarput.

Pingaaruteqarluinnartutut isingaarpud nunatsinni nunap inui aallaavingalugit naleqqussartuarnissaq, tamannalu aamma pisariaqarluinnalersimasoq takusinnaavarput massakut killiffippud qiviaraanni sanaartornermi neqeroorsinnaasut ikittuaranngorsimanagerat.

Nassuerutigisariaqarparput pikkorluffingalutigu aningaasap nunatta iluani kaaviiartinnissaa, tamannalu anigussagutsigu partiini qanoq qalipaateqarnerput aporfiginagu nunatta siunissaa ilusilersortariaqarparput, nunani allamiuluarnerunngilaq kisiannili nammineq pilersissinnaasavut suliarisinnaasavullu nammineeruttariaqalerpavut.

Taamaaliunngikkuttami uangut aamma tassaasimassuugut uninngaannartunngortsitsinissamut aqutissiusseqataasut, apeqquserneqarsinnaanngilaq tamatta akueringgikkippud taamaattumik allannguisariaqarpugut sanaartorneq nunatta inuisa ingerlassinnaasaat aqutissiusseqataaffiginiartigu kingusinaarpallaartinnata.

Assortuussutissaqanngilluinnarpugut tassami nunatta inuisa qiningaraatigut, taakkua aallaavingalugit suliniarta, soorlu saqqummiussissummi takunngittuusaarneqarsinnaanngitsoq oqaaseq (neqeroorsinnaasut ikittuaranngorsimasut) tamannalu ajuusaarnarluinnarpoq.

Taamatut naatsumik oqaaseqarluta Naalakkersuisut siunnersuutaat Siumumiik taperserlutigu ataatsimiititaliamullu susassaqartumut suliarineqarnissaa kissaatingalugu innersuupparput.

Nikkulaat Jeremiassen, Siumut.